



LATAR BELAKANG DAN TEMPAT MENARIK DI PARLIMEN TASEK GELUGOR, PULAU PINANG

Tasek Gelugor ialah sebuah kawasan persekutuan di daerah Sebarang Perai Utara, Pulau Pinang, Malaysia yang mempunyai wakil di Dewan Rakyat dengan kod P.042. Kawasan Parlimen ini mula dipertandingkan pada 1986 dan memberi mandat kepada seorang ahli Dewan Rakyat di Parlimen Malaysia mengikut sistem undian terbanyak. Ia terletak dalam 3 wilayah atau DUN, iaitu Permatang Berangan, Sungai Dua dan Telok Ayer Tawar.

Tasek Gelugor bersempadan dengan pekan Pinang Tunggal di utara, Kubang Semang di selatan, Padang Serai, Kedah di timur dan Teluk Air Tawar di barat. Dari sumber yang boleh dipercayai nama Tasek Gelugor diperoleh berdasarkan sebuah tasik yang terjadi akibat limpahan air sungai yang menjadi tasik. Ketika itu terdapat banyak pokok gelugor di kawasan tasik berkenaan. Tasek Gelugor adalah sebuah kawasan yang terdiri daripada pekan Tasek Gelugor dan berpuluh-puluh kampung di sekitarnya. Antara kampung-kampung tersebut ialah Kampung Permatang Manggis, Kampung Pokok Tampang, Kampung Pengkalan Batu, Kampung Air Melintas Kecil, Kampung Permatang Berangan dan lain-lain



Salah satu mercu tanda di Tasek Gelugor ialah Frog Hills. Frog Hills merupakan bekas tapak perlombongan bijih timah yang ditinggalkan.

Kampung-kampung dalam kawasan Tasek Gelugor adalah kampung-kampung tradisional yang wujud sejak sebelum merdeka. Kini, Tasek Gelugor telah menjadi sebuah bandar kecil yang kian maju, beberapa taman perumahan telah wujud disekitarnya. Melalui Lebuhraya Utara Selatan, Tasek Gelugor boleh diakses melalui susur keluar Sungai Dua sekiranya daripada Kuala Lumpur dan Ipoh; dan susur keluar Bertam sekiranya daripada Bukit Kayu Hitam

